

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савет

ZAKLJUČAK
o odbacivanju

**Prijave koncentracije privrednog subjekta Etihad Airways P.J.S.C., Abu Dhabi,
Ujedinjeni Arapski Emirati, i Republike Srbije zastupana po Vladi Republike Srbije**

Sarajevo
septembar, 2013. godine



Broj: 04-26-1-21-4-II/13
Sarajevo, 25.09. 2013. godine

Na osnovu člana 25. stav (1) tačka e), člana 42. stav (2), a u vezi s članom 12. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po zajedničkoj Prijavi koncentracije privrednog subjekta Etihad Airways P.J.S.C., New Airport Road, P.O. Box 35566, Abu Dhabi, Ujedinjeni Arapski Emirati zastupan po advokatu Femilu Čurt, (Šenoina br.12., 71000 Sarajevo, Bosna i Hercegovina, ovjera punomoći broj: 4318/13 od dana 31.07.2013. godine od strane Prvog osnovnog suda u Beogradu, i Republike Srbije zastupane po Vladi Republike Srbije, Nemanjina 11, 11000 Beograd, Republika Srbija, zastupana po Siniši Mali, savjetnik prvog potpredsjednika Vlade Republike Srbije (Nemanjina 11, 11000 Beograd, Republika Srbija), zaprimljenoj dana 14.08.2013. godine pod brojem: 04-26-1-21-II/13, Konkurencijsko vijeće Bosne i Hercegovine, na 67. (šezdesetsedmoj) sjednici održanoj dana 25.09.2013. godine, je donijelo

Z A K L J U Č A K

1. Odbacuje se zajednička Prijava koncentracije privrednog subjekta Etihad Airways P.J.S.C., New Airport Road, P.O. Box 35566, Abu Dhabi, Ujedinjeni Arapski Emirati, i Republike Srbije zastupane po Vladi Republike Srbije, Nemanjina 11, 11000 Beograd, Republika Srbija, kao isključivog vlasnika privrednog subjekta JAT Airways A.D. Beograd, Bulevar Umetnosti 16A, 11000 Beograd, Republika Srbija, radi nepostojanja koncentracije, u smislu člana 12. stav (1) Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 14.08.2013. godine, zaprimilo pod brojem: 04-26-1-21-II/13 zajedničku Prijavu koncentracije (u daljem tekstu: Prijava) privrednog subjekta Etihad Airways P.J.S.C., New Airport Road, P.O. Box 35566, Abu Dhabi, Ujedinjeni Arapski Emirati, (u daljem tekstu: Etihad ili Podnosilac prijave) zastupan po advokatu Femilu Čurt, (Šenoina br.12., 71000 Sarajevo, Bosna i Hercegovina, ovjera punomoći broj: 4318/13 od dana 31.07.2013. godine od strane Prvog osnovnog suda u Beogradu), i Republike Srbije, zastupane po Vladi Republike Srbije, - Nemanjina 11, 11 000 Beograd, Republika Srbija (u daljem tekstu: Vlada RS ili Podnosilac prijave), kao isključivog vlasnika privrednog subjekta JAT Airways A.D. Beograd, Bulevar Umetnosti 16A, 11000 Beograd, Republika Srbija (u daljem tekstu: JAT), zastupana po Siniši Mali, savjetnik prvog potpredsjednika Vlade Republike Srbije (Nemanjina 11, 11000 Beograd, Republika Srbija), (u daljem tekstu: privredni subjekt Etihad i Vlada RS ili Podnosioci prijave).

Prijava je dopunjena podneskom broj: 04-26-1-21-1-II/13 od dana 16.08.2013. godine.

Konkurencijsko vijeće uvidom u podnesenu Prijavu je utvrdilo istu potpunom i kompletnom, u smislu člana 30. stav (1) Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterija za ocjenu koncentracija privrednih subjekata («Službeni glasnik BiH», broj 34/10), te je Podnosiocu prijave izdalo, u smislu člana 30. stav (3) Zakona, Potvrdu o kompletnoj i urednoj prijavi, aktom broj: 04-26-1-21-2-II/13 dana 17. 09.2013. godine.

Podnosilac prijave je naveo, u smislu člana 30. stav (2) Zakona, da će podnijeti zahtjev za ocjenu koncentracije i nadležnom tijelu za zaštitu konkurencije Republike Srbije, Savezne Republike Njemačke i Republike Crne Gore.

Konkurencijsko vijeće u postupku ocjene Prijave je utvrdilo slijedeće činjenice:

Prijava je podnesena u propisanom roku, u smislu člana 16. stav (1) Zakona.

1. Učesnici koncentracije

Učesnici koncentracije su privredni subjekt Etihad Airways P.J.S.C., New Airport Road, P.O. Box 35566, Abu Dhabi, Ujedinjeni Arapski Emirati i Republika Srbija zastupana po Vladi Republike Srbije, Nemanjina 11, 11 000 Beograd, Republika Srbija kao isključivi vlasnik privrednog subjekata JAT Airways A.D. Beograd, Bulevar Umetnosti 16A, Beograd-Novi Beograd, Srbija nacionalnog avio-prevoznika Srbije.

1.1. Privredni subjekt Etihad Airways P.J.S.C.

Privredni subjekt Etihad, javno akcionarsko društvo osnovano Dekretom Emira broj 1 iz 2003. godine u Emiratu Abu Dhabi, u Ujedinjenim Arapskim Emiratima, New Airport Road, P.O. Box 35566, Abu Dhabi, Ujedinjeni Arapski Emirati, registrovano pod br: TN-154944, i u 100,0% vlasništvu vlade Abu Dhabija.

Pretežna registrirana djelatnost privrednog subjekata Etihad je u sektoru usluga vazdušnog prevoza putnika i tereta. U sektoru vazdušnog prevoza tereta, privredni subjekt Etihad posluje kroz-Etihad Crystal Cargo brend na Etihad Crystal Cargo na 86 destinacija u Evropi, Bliskom Istoku, Aziji i Africi. U sektoru prevoza putnika, Etihad leti na 100 destinacija u 35 zemalja svijeta ((..)**¹).

Privredni subjekt Etihad ima vlasničke udjele u drugim aviokompanijama i to: 29,21% udjela u privrednom subjektu Air Berlin (stečenih dana 19.12.2011. godine), 40,0% udjela u privrednom subjektu Air Seychelles (stečenih dana 25.01.2012. godine), a ugovor s privrednim subjektom Jet Airways (India) treba biti sklopljen uskoro.

Privredni subjekt Etihad u Bosni i Hercegovini nema vlasničke udjele u osnovnom kapitalu drugih privrednih subjekata. Privredni subjekt Etihad ne prodaje direktno svoje proizvode ili usluge u Bosni i Hercegovini ali ostvaruje prihod od (..)** kroz rezervacije letova izvan Bosne i Hercegovine.

¹ (..)** podaci predstavljaju poslovnu tajnu u smislu člana 38. Zakona o konkurenciji

1.2. Republika Srbija zastupana po Vladi Republike Srbije

Vlada RS je izvršni organ vlasti u Republici Srbiji i do okončanja predmetne transakcije je isključivi vlasnik privrednog subjekta JAT Airways A.D. Beograd.

1.2.1. Privredni subjekt JAT Airways A.D. Beograd

Privredni subjekt JAT Airways A.D. Beograd, Bulevar Umetnosti 16A, 11000 Beograd, Republika Srbija (u daljem tekstu: JAT), registrovan je pri Agenciji za privredne registre Republike Srbije pod brojem: 07044275, sa 100,0% vlasničkog udjela Republike Srbije zastupane po Vladi Republike Srbije.

Pretežne registrovane djelatnosti privrednog subjekta JAT su prevoz putnika i tereta u redovnim i charter uslugama i druge poslovne aktivnosti u vezi sa avio-kompanijama. Privredni subjekt JAT je nacionalni avio-prevoznik Republike Srbije i posluje kao domaći i regionalni - centralnoevropski prevoznik, sa 346 letova sedmično na ukupno 31 destinacije.

1.2.1.1. Povezana društva privrednog subjekta JAT

Povezana društva privrednog subjekta JAT:

- privredni subjekt Su-Port obavlja "above-wing" usluge za prizemljene avione privrednog subjekta JAT na beogradskom aerodromu Nikola Tesla;
- privredni subjekt JAT Katering (..)** i baziran je na beogradskom aerodromu Nikola Tesla.

Privredni subjekt JAT u Bosni i Hercegovini nema vlasničke udjele u osnovnom kapitalu drugih privrednih subjekata.

Članovi uprave ili nadzornog odbora učesnika koncentracije nisu istovremeno članovi uprave ili nadzornog odbora u drugim privrednim subjektima.

Privredni subjekt JAT vrši prodaju karata u Bosni i Hercegovini preko svog predstavništva u Sarajevu i njegovog odjeljenja u Banja Luci i (..)**.

2. Ocjena predmetne Prijave

Privredni subjekt Etihad i privredni subjekt JAT su potpisali Okvirni transakcijski Ugovor i druge povezane dokumente dana 01.08.2013. godine (u daljem tekstu: TFA). Implementacija predložene transakcije trebala bi se završiti do dana 01.01.2014. godine (ili na neki kasniji datum o kojem se strane dogovore, a koji je uslovljen ispunjenjem određenih preduslova, uključujući i dobijanje neophodnih odobrenja za namjeravanu koncentraciju).

(..)** ...

- obaveza privrednog subjekta Etihad je osigurati da privredni subjekt JAT postane finansijski održiv avio-prevoznik, koji će poslovati u skladu sa međunarodnim standardima. Strane su zaključile i Sporazum o uslugama podrške (u daljem tekstu: SSA) (..)**.

Nakon provođenja predložene transakcije, privredni subjekt Etihad će imati 49,0% vlasničkih udjela u privrednom subjektu JAT, te će imati određena upravljačka ovlaštenja i odgovornosti, a što će rezultirati uspostavljanju zajedničke kontrole od strane Vlade RS i privrednog subjekta Etihad nad privrednim subjektom JAT.

Konkurencijsko vijeće je utvrdilo, na osnovu navedenih odredbi TFA, da predmetna transakcija ne ispunjava uslove iz člana 12. stav (1) Zakona, te učesnici koncentracije nisu bili obavezni podnijeti prijavu koncentracije, jer neće doći do stjecanje kontrole ili vladajućeg utjecaja privrednog subjekta Etihad nad privrednim subjektom JAT (kupovinom dionica, osnovnog kapitala, prava glasa ili na bilo koji drugi način, u skladu sa odredbama zakona koje regulišu upravljanje privrednim subjektom).

Slijedom navedenog, Konkurencijsko vijeće je odlučilo kao u dispozitivu ovog Zaključka.

3. Administrativna taksa

Podnosilac prijave na ovaj Zaključak, u skladu sa članom 2. tarifni broj 108. tačka d) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u iznosu od 1.000,00 KM, u korist Budžeta institucija Bosne i Hercegovine.

4. Pouka o pravnom lijeku

Protiv ovog Zaključka nije dozvoljena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednica

Gordana Živković